

人心帖服兩廡齋舍皆所增修

馬榮長汀人景泰間以監生知石樓縣盛德鴻才時皆頌之  
沈純東平州人景泰間知孝義縣甫下車卽飾學宮庀祭器  
整壇遺修城隍邑有王才里當西出之路山東嶮艱於行  
隳高堙下俾十餘里間曠坦可通兼軌民以負租逃者招  
之復業蠲其租旣去民思之不忘立遺惠碑

彭鏞湖廣石首人景泰間任介休縣知縣性廉介涖官以公  
勤著嘗疏水利蠲逋賦繕城郭凡利於民者無不舉祀名  
宦

梁杲景泰時知寧鄉縣嚴明有才略承已已變創建城池永  
爲保障民甚德之

汪清固始縣人景泰間進士授監察御史嚴毅剛正因忤權